

Vg
454



QA



QK. 197, 13.

Vg
454

Sturin wider ein leyden
thurn eins Römischen predigers/
der auß der heyligenn
Wesß gern ein opffer
mächte.

Durch Georgium Fener
von Weyl.

Bel/ Beelphegor/ Moloch/ Baal.
Sie standen noch im alten stal.
Der starck irrsal ist schon vor hand.
Wölff gönd herein in schaffs gewand.



178

Faint, illegible text, possibly bleed-through from the reverse side of the page.



Es hat neulich ein prediger ein Thurn gebawen/ vnd sich beriembt/ den thurn mög niemants vmbstossen oder schiessen/ vnd das ist der Thurn.



Den Thurn hat er mit mit ecksteinen der schrift befestiget/ sonder mitt menschenn wort/ hat eingesiert Lyprianum vnd Doctores deren etlich biß her (als zu besorgen) eintweders auß vnuerstandt der geschrift/ oder auß hoffnung des gewinß / geleert habenn / Es sey die Mess ein opffer / vnd sey ein verdienstlichs werck / nitt allein opere operante / sunder opere operato / das ist so vil geredt / sie sey verdienstlich von jr selbs / vnangesehem das der diener oder priester vnwürdig / sündig od zenichtig sey / Darauß erwachsen ist das die diener frey sicher mögenn böß vnd eins ergerlichen lebens sein / vnd danocht für gebenn wie sie gütte werck thun für ander leüt / sie haben vmb mess habens willenn / vil gelt / vil gütter alter blaphart vnd österreicher eingenommen / vnd vnsern herzen wolfeiler geben dann Judas / Dann es ist ein kramerey vnd handtwerck drauß worden / hat gewert lange zeit (der thurnbawer weist auch etwas darumb) also das es faul / vngelert / niemant nuz leüt hat mißsenn ernerren / vnd deren so ein grosse zal das die gang welt mit iren fressigē beüchen beschwert ist / vnd vorlengist mied worden / Paulus verschafft mitt Timotheo .j. Timoth. v. das die Christlich ver-

A ij samlung

sammlung nit überladen vnd beschwert werd / mit
den armen witwen / welcher Christglaubiger ein wit-
we hab / der geb jr vnderhaltung / auff das die rechten
armen dürfftigē witwen mögen ernert werden. Wer
es dann nit auch billich / das man die kirchen nit über-
liede mit vnnützen / starcken / vngelerten pfaffen / mit
grossen abbruch der armen dürfftigen / ich geschweig
der welt schandt die durch solich miessiggōnd leüt ge-
schicht. Es werden vil gütter bawzē verderbt / durch
der bischoff ö! / die miessen darnach priester sein / vnd
die schaff Christi weiden / vnd können weder teütsch
noch latein / vnd wann einer nit zū ein schülmeister
im ein dorff gütt ist / so macht in dannoch der Bi-
schoff zū einem pfarzer / helffer vnd seelsorger / ja
sectelsorger / vnd zū solichem grossen irzal helfen
die Schül lerer / vñ teg die gēsprediger / die dē Pabst
wirser fürchten / dann Gott selbs / vnd zerzeissen
das gots wort / das Christus mit seinem todt / so
theit bestetigt hat / mit falschem glosen / vmbes ge-
wins willen / sie seind im iren köpfen zerriit / kenne
die warheit nit / vermeinen vnser glaub sey ein gelt-
gewin vnd kauffmanschaz .i. Timoth. vi. Es seind
schieppen die hangen am künig der angesicht / vnd so
sie die warheit nit haben wellen annemen / das sie sä-
lig wurden / so hat in Gott ein starcken irzal geschikt /
das sie der luge glaubend .ij. Thessa. ij. Sie hangen
menschem wortem an / vnd verlond gots wort / dar-
rumb werden sie sich mörtlich reissen / groß mie ha-
ben jr sach zūschügen. Dann ein lügen bedarff zwen-
zig lügen / das sie beschützt werd. Aber vmb sonst wer-
den sie arbeiten durch jr finster nacht der menschem
leer / die weil sie haben das neg nit im namem gots
aufgeworffen / sonder im namen des Antichrists / des
bestelte diener seind sie / well gott seind sie Sauli / das
sie bald

sie bald Pauli werde/ damit mit Judas auß in werd/
das sie den herzn (der sie erlöset hat) verlaugne. Sich
zu wie hat der heilig geist iren irrsal so eben durch Pe-
trum troffen. ij. Petri. ij. da er sagt/ der weg der war-
heit werd durch sie verlestert werden/ vnd sie werden
durch geiz mit erdichten wortē an eüch handthieren.
Ich mein hie stecken die selben falschen prediger. Sie
lesteren ye alle die/ so das Euangeliū pur lautter pre-
digen oder hören wellen vnd nennen sie Keger/ vnd ir
leer Kegerrey/ vnnnd vil hangen in an/ das seind alle die
schieppen/ die am Endtchrist hangen vnd gewin von
im haben. Seind aber das nitt erdichte wort/ das sie
schreiben vnd leren/ es seyen zwey ding an der Mess/
opus operatum/ vnnnd opus operans. Ich frag durch
welche geschriff probiere sie das gespenst? ist dz auch
die theologische red/ die do sol mit saltz gewirzt sein?
Colos. iij. Sie wollen es sey die Mess ein oppfer/ vnd
sol als ein gut werck sein der kirchē/ ob gleich der prie-
ster in todtsünden sey/ vnd sagen nicht vom glauben
in die Mess/ dz ist mir ye ein erdicht ding. Ich setz der
priester hat jez mess/ vnd gleich jez auch fürsag zu sün-
den/ es ist nit glaub da/ sich wie soll mir der mitt seim
oppfer vil erwerben/ der im selbs nichts erwürbt? ja dz
jez tödtlich sündet? Aber es hat gelt tragen/ vnd hat
man sie lassen böß sein/ vnnnd glaubt es schade so gar
nichts das sie dānocht vns hie ein guts verdienstlichs
werck thun mögen. Wie ein grosser stockblind wer dz/
der sich solichs ließ berede/ vnd wie gotslesterig seind
die/ die mit vnserm theüren testament vnd testament
herze Christo/ so vngozföchtiglich spilen. Sie hand-
thieren ye mit der Mess/ dann sie nemen darumb ein
anzal gelts/ man stifts darauff/ gibt ein. l. oder. lx.
gulden das er ein zal Mess hab/ vnd vmb solds wil-
len haben sie Mess/ inn aller vngeschickligkeit. S wie
A iij schimpf


schimpflich würt/das hochwürdig geheim vnsers heiligen glaubens hie oft gehalten/ gleich wie in Laia phas hauß zu nacht mit dē vnschuldigen herzen Ihesu gehandelt wardt. Sie habenn auch verdienst der Wef vilerley weg außgeteilt vnd appliciert/ generaliter/specialiter/et cetera. Also sagen sie/ sie künne dir ein gnädigen got machē/ vnd sie seind gottes freünd/ das heißt mein ich groblich betrogē. Nun ist's zeit/dz ich den thurn absech/wie er zū beschießenn sey/ er sicht mich eben an/ als stand er auff pfelen oder auff moß/ ich acht wol er bedürff nit vñ grosser büchsen/ es mög ein kleiner wind komen der in zū hauffen werffe. Der büchsenmeister wo soll man den thurn am ersten anwendē: Büchsenmeister. Er ist gegen mittentag/nit wol befest/er bedarff sein nichts/ von Rom legt sich niemāts dar für. Aber gegen Septentrioni oder mitternacht/hat er etlich gemalet stein/ die scheine als ob sie dick vñnd breit seyen/ aber sie mögen kein gewalt leiden. Wolan lieber Büchsenmeister/wir wellenn in anschießenn gegen mitternacht/ da er sich dunckt am besten sein/ er fürcht sich vor dem Wittenbergischen lufft mer dann vor aller Römer geschüg/ es hat gar rauch lufft von mitternacht/ darum hat mā die schüg löcher mitt leim verkleibt/ Wolan lad die Büchsen. Die Wef ist ein testament Christi/ darin er im letzten nachtmal seinen Christglaubigen hat verordnet vnd verschafft ablaß der sünd vnd das ewig leben. Es ist dir in den wortē Christi versprochen/ ablaß der sünd/ der leib Christi ist in todt gebē ein opffer für die sünd/ vñ das blüt Christi ist vergossen zū einer abweschung der sünd. Wer nun hūger hat zū der fromkeit/ nimpt die wort für sich/ hangt daran mitt vestem glauben/ zweyfelt nit wie im der worhafftig Gott versprochen hat/im sey also/der erlangt ablaß der sünd/vñ wie er glaubt

glaubt also geschicht im gewislich. Vnd das aber die
sach versichert sey / sichst du / so ist Christus auff die
verheissung gestorben / hat seinen leib vnd blut gleich
samt zu einē pfand sollicher gūthar verordnet / vñ zu
einer speiß des glaubens geben / dz wer da communi-
ciert / nimpt das lebendig heilig zeichen zu ermanung
des götlichen zusagens / hie bey dē sacramēt / vñ zu be-
stetigung seins hertzē in zuuersicht zu got / der braucht
das Sacrament recht / erlangt das erb das ist ablaß
der sünd / Wie sieht man woll / das wir gott nichts ge-
ben in / der Wess / dz ist in den Worten des Testamēts /
da mit wein vñ brott consecriert würt / sonder wir
empfaben nun von got / Wo ein opffer ist da gibt mā
got etwas / dan das ist ein eigenschafft des opffers / ge-
ben vñ geopfferet werden / Darumb ist gewislich
das die Wess an ir selbs / die wort vñ das Sacra-
ment / kein opffer ist / gott gibt dir hungerigen vñ
durstigen / du gibst aber im nichts. Der leib ist wol ein
mall am kreuz ein opffer für vns gewesen / vñ durch
solichs hochwürdig opffer / erlesung vñ gnügthie-
ung für die sünd geschehen. Aber jez opffert man in
nit mer / man ist wol des selbigen opffers teglich ein-
gedenck / wān man Wess hat oder zū gottes tisch gat /
nach dem beselh Christi. . . Corint. . . thiet mir zu ei-
ner gedechtnuß / Darumb ist ein grober vierecketer
irsal / das man spricht / d̄ priester opffert gott sein sun
in der Wess auff / Die vnglaubigen vnuerstendigem
opffern in eben wie die Juden / got verzeich ins Amē.
Kurzumb / das gesag Moysi hett vor zeiten opffer
für die sünd vñ auch reinigung durchs blüt / Also ist
der heilig leib Christi ein mall ein opffer gewesen sein
blüt / ein abwaschung / oder reinigung vnser sünd / Er
ist ein opffer am kreuz gewest da er am kreuz starb /
durch welchs einigs opffer seind all geheiligten in die
A iij ewigkeit

ewigkeit vollendt/ darumb sprach er das ist mein leib
der für euch geben würt/ das ist so vil/ er wird als ein
opffer für die sund geopffert/ vnd das ist der kelch dz
neiw Testament in meinem blüt/ et cetera. San blüt
reinigt nach brauch des gesag/ das opffer thut gnüg
das blüt reinigt / Das opffer ist geschehen im todt
Christi/ der ist das einig opffer des neuwen Testa-
ments/ da durch gnüg für vnser sund gethon ist. Wz
aber vor vnd nach für gebet geschicht/ opfern wir got
auff durch Christum vnsern versienner vñ priester vor
got/ durch Christum werden wir vnd vnser gebet got
angenem. Also istis wol war das wir vns selbs gott
auffopferē als ein vernunfftigē gotßdienst Rom. 12.
Itē wir opffern ein opffer des lobs. Heb. 13. vnd das
durch Christum den mitler z wischen gott vñ den
menschenn / Noch ist aber Christus mit das selb
opffer. Darumb ir lieben vnser herren Wesum-
ckern/ messhon würt kein handwerck bleiben/ Seyt
ir nit gelert das ir mügt predigen / so besecht vmb
pflagel/ hacken / gabeln/ rechen/ pflieg/ ir miest (nach
gottes gebott vnd nach beselch des geist gottes durch
Paulum) den faulen rügken biegen/ vñ arbeiten
wie Paulus auch thet. 2. Thessalo. 3. oder man würt
euch nit zū essen gebē. Es leiden die hantwerckfleüt
kein in irer zunfft für ein meister/ er kun dan sein kunst
oder handwerck/ das man doch mit im versorgt
sey / Warumb wolten wir dan euch vngelertem
leiden in der kirchen/ in solchem ampt daran vns
vnser selē seligkeit gelegen ist. Wol an rüsten euch/ die
zeit ist kommen/ Got sucht nun sein herdt selbs heim/
die weil ir so hinlessig vñ vngelert seind/ als Ezechie.
34. weyßgesagt ist / Ewers faulenn lebens ist nun
mer dan gnüg/ das ir warlich in grosser sicherheit ge-
siert haben vil iar her/ wie es der prophet Ezechiel ge-
schriben

Schribē hat. Es ist nun wol geladē/wir wellē schiessen
Hebre.vj. Ein solchē hohē priester zimbt sich vns zū
habē/der heylig sey/vnschuldig/vnbefleckt/ abgesun-
dert von den sundern vñ höher wordē dan der himel
ist/dem nit teglich not sei wie ihenem hohē priestern/
zum ersten für sein eigē sünd opfern/darnach für des
volts sünd/dan das hatt er gethon da er ein mal sich
Hebre.ix. Christus ist in himel eingā (selbs opffert.
gen. das er da selbs erschein vor dē angesicht gots für
vns/nit das er sich selbs oft opfere /gleich als der bis-
choff jerlich durch ein frembds blüt eingat in das hei-
lig ort/sonst hette er oft miessen leiden von anfang
der welt hāt /Aber nun am end der welt ist er ein mal
erschinen/durch sein eigen opffer/die sünd auff zūhe-
ben. Vnd wie dē menschen ist gesetzt ein mal sterben/
darnach aber das gericht/ Also ist Christus ein mall
geopffert/das er viler menschen sünd hinweg nem.
Hebre.x. wir seint geheiligt durch dz opffer des leibs
Jesu Christi/dz ein mal geschehen ist. Was bedarffs
vil/die wort des Testaments recht ermessen) beweisen
dz vnuberwindtlich /dz die mess kein opffer mag ge-
nēt werdē/doch thuts not ich würd mich baß sehē las-
sen. Wie ist klar gnüg/dz Christus ein mal geopffert
ist/für vnser sünd vnd nit noch mer soll geopffert wer-
den/die geschriff leit nit/so glaubt man in sollicher
grosser sach keinē vatter oder Scribenten /er sey wie
alt er wel/sie mögen vns kein artickel des glaubens
machen auß irem won. Sie mögen wol vil schreiben/
wir wellen aber (aus Christlicher freyheit) vnuerbun-
den sein /söllich ir gütt meinung anzunemen. Was
wer ermers dann ein Christ in seinē glauben /wan er
ein yeglichen sein opinion mieste annemen vñ glau-
ben? Wir haben ein büch genant Biblia /Nun wellē
wir nichts für ein artickel des Christlichen glaubens
annemen

annemen / es sey dan in d Biblia gegrundt. Die pries-
 ter Baal mögen schreiben was sie wollen / vñ wider
 den geist gottes / ire torechtige gedancken setzen. Pau-
 lus verbant die engel wa sie etwas anders dann das
 Euangelium lereten / er wolt auch fleisch vnd blüt mit
 glauben / warumb wolten dan wir so leichtfertig sein
 vnd on allen vnderscheid eins yeglichen traum für
 warheit annemen : Lieben Romanisten ewer geist
 muß sich richten nach der geschriff / oder wir wellen
 euch den spruch .iij. Regū am letsten / fürewern kopff
 stossen / Ich würd außgon vnd würd ein lügenhaffti-
 ger geist sein in dem mund aller propheten / also miest
 ir vns zugeben / nach dem rat Pauli / dz wir alle ding
 probieren / vnd annemen was gut ist.



Der schütz ist gnüg / der thurn ligt / nun tritt herfür
 thurn bauwer / wo bist du : baw mozt mer ein thurn
 auß leim / vñ beriem dich darnach es mög in niemāg
 vmbstossen / Es lat sich nit also bawē mit Lypriano
 vnd den Scribenten / man fragt nach dem felsen des
 gotz wort / bring schriff vnd baw darnach / aber die
 leime maur deiner lerer mag kein gewalt erleiden /
 Vnderstet sich aber dein vermessenheit / die zerschos-
 sen scherben widerumb auff ein ander zumauren / so
 muß

müß ich die haubtstück wider ladē/ Soch mach dem
thurn vester dan er ieg gewesen ist/dz in diemeiß mit
vmbnagen. Aber ich bit dich spar dir die arbeit/vnd
mir den kosten/dan verleirstus mer/es müß mir der
kost abgetragen werden/es sey ieg nur geschimpfft.
Hettest du das gotß wort nit mit dem leimen thurn
verspottet/ich hett mein scherz auch woll mir selber
behalten. Sie weil du aber nach des propheten wort
ein illusor/ein betrieger des einfeltigē volks sein wilt/
vñ das wort gottes verlachen/auf welchem wir (als
ein vnsterblichen samen (wid geborn werden. 1. Pe-
tri. j. das in d finsternuß diser welt/vnser einigs liecht
ist vnd speiß der seel deut. viij. So müß man dir we-
ren mit gottes hilff/als einē der die gemein vichwaid
oder eingemeinen bronnen vergifften will/mich er-
barmen deine schesslin die du mit Lypriano wilt wei-
den. Aber sie seind nun so erleucht im erkantnuß irs
rechten haubhirten Christi/das sie nit kleien für ker-
nen essen wellē/sie kennen die stym eins sollichē fremb-
den hirten nit/wer ist Lyprianus? wer ist Scotus/
Gabriel/Büridanus? es möcht wol ein wolfsstym
sein/Stand auff predig das Euangelium rein/ver-
fers nit auff dein abgot zü Rom/vnd mach nit gelt-
stricke darauf/gang durch die sordern thir zü denn
schaffen/Christus ist dy recht thir/sein heiligs wort
ist die recht gesund speiß der seel/predig nit tröm
deins hirns/wider die vermanung Hieremie am. 23.
cap. wilt du ein Euangelischer prediger genant sein/
so red die wort des herzen warhafftiglich/was thut
sprewer beym guten korn: was thut wasser vnderm
wein/kupffer vnderm gold? Bedenck das du nit vn-
der vnuernünfftigen schaffen sigest/sie seind mensche
vnd Christo irē herzen gar theur worden. Ist es dir
ieg ein

leg ein Kindspiell/den auferwelten Kindern gottes/dz
wort der ewigen warheit nit recht fur geben: es würt
dir warlich noch ernstlich gnüg werden/so du nit al-
lein rechnung müst gebē vmb sollich treffenlich ding
als wie du gottes beselb treulich habest außgericht/
sonder auch von ein yeden vnnötigem wort/ Es ist
eingesag/das niemant triumph halten soll/dan der
ein rechte/redliche schlacht gethon hat/ Ich hab aber
nun ein leimen thurn vmbgeworffen / darumb will
ich sonst frölich abziehen/ Allein gott sey eer in ewi-
gkeit Amen.

Thurn wo bistu? Thurn thū mir nichts.

79. 454. ak

m.c

dz
irt
ab
ng
ht/
ist
der
der
bill
vi-

X 2206783







7.13.



Scurin wider ein leymen
thurn eins Römischen predigers/
der auß der heyligenn
Wesß gerne ein opffer
mächte.

Durch Georgium Fener
von Weyl.

Bel/ Beelphegor/ Moloch/ Baal.
Sie standen noch im alten stal.
Der starck irrsal ist schon vor hand.
Wölff gönd herein in schaffs gewand.

